

悔餘庵樂府



後漢書樂府一百二十一首

赤伏符 光武帝



娶妻得陰麗華仕宦當作執金吾少年志大足無餘豈復知
膺赤伏符唐兒醉幸誰所使九傳乃出真天子降衣大幘囂然
起謹厚者亦為此騶呼趣伯升驅除介更始昆陽雷雨澗川漲
滹沱水熊耳山仗神施鬼設天開創縱使仲尼為相孫子為
將智勇何能與天抗白水真人銅馬帝大度始能當大器柔道
行之剛者廢功臣終始無猜忌獨責三公親吏事讀經讀律不
中意不如讀識記

日重光 明帝

梅餘菴樂府卷三

一

牛畝園藏書

開創之局難於謀守成之業難於修永平功德續建武一一補
緝猶縫裘三老享太學五經訓小侯郎官列宿示愛惜羣司封
事攻愆尤翠華幸魯祀孔子崇儒盛德光千秋湖出黃金山出
鼎麒麟白雉紛來游尚書淨詞抑不省諂子虛譽無由投遠比
成康何愧近方文景為優奈何漢道異周道蠡斯緝緝為蜉蝣
乃知炎劉積累遠不如公劉

聖女生 明德皇后

車如流水馬如游龍門前寶客趨如風蒼頭綠幘左右如飛鴻
後人不續前人功恩澤封侯倚後宮從來后族皆不終安能坐
享大邑封明德明於日在東樛木蠡斯德有容周姥作詩當更
工一生不近歌舞行五時不惹綺羅香含飴弄孫樂意長珥彤
女史緝遺芳伏波生子皆畫虎客卿不壽荆門戶為門上楣生

聖女

爛羊頭 更始

爛羊頭爛羊頭英雄不遇屠狗而椎牛遇卽攀龍附鳳爲王侯
金注瓦注視所投但知天子當姓劉不知衣履冠沐猴諸子繡
指識者愁羣雄逐鹿塵未休宮中嗜酒百無憂千狼一羊生乃
偷爛羊頭爛羊頭張如鴟縮如猓亂如蜂蟻屯闕如蝸蠅沸君
臣有如傀儡戲害不極難爲和亂不極難爲治長安宮市一炬
廢羣盜衣冠一掃弃蕭王赤手開天地

二隅時 陳器公孫述

大言可喜不可信大功可貪不可倖大器可圖不可以力競要
必聰明照萬里瑩於鏡度量包九州密於孕然後一戎衣三尺
柄風雲爲護從雷霆爲號令信手指麾無不定斯則鬼神瑞應

每餘養樂府卷三

二

牛敬園藏書

識記符命可憑不可憑割據兼并縱橫奇正可聽不可聽君不
見公孫子陽隗季孟蹇人奈何欲上天并底蛙自比龍潛淵此
則一丸泥封函谷關彼則據江陵倚巫山傳檄吳楚長沙間是
乃王元李熊飲之以狂泉羽毛未滿翼之使騰騫天路有人先
扼之不能前一跌乃如齧粉然自古皆有死朝聞夕死死可矣
天水卑卑何足齒成家不作降天子

大度士 齊武王續

天時人事不可知癡者忽黠黠者癡英雄失算落人算丈夫乃
受羣兒欺馱馱之蹟敗於速蜂蠆之毒成於微要之氣盛者易
竭而行高者多危若使長年相更始大度能容朱與李君臣分
定兩不疑蕭王安得爲天子起者忽仆仆者起人事天時有如
此

奇女子

呂母

柱天將軍東郡死柱天都尉猶未起東海乃生奇女子破家報讐常事耳然而新室之亡漢室之興從此始

二十八宿

從龍要當附龍腹附尾與胡爨墜落善射還當射猛虎狐兔紛紛不足取功臣當立第一功名成圖畫雲臺中二十八宿環紫庭上台自用輔弼星馬上得之安能馬上治列侯不得爲三公責吏事保全功臣亦善計百戰封侯信非易不如識記留名字

功第一

李通

功名從古爲人禍成功在天不在我微倖求之天不可中熟如薪禍如火功臣不用爲三公主壻亦在功臣中如何用李通久作大司農二十八將名最高可憐六十四人一炬焦

梅餘菴藥府卷三

三

牛韻園藏書

書竹帛

鄧禹子訓

書生遠來不願仕但願效尺寸垂名竹帛耳有志竟成當若此勢如破竹須到底棼絲不斷紛難理枸邑移軍坐失機折捶終勞帝自起封侯不難難得忠孝名列侯百數幾人見重於朝廷當時安有十三經一子一經何如金滿籬世業不數韋元成小儒守舊聞通儒趣奇勲將軍好士不好文菴胡立祠祀使君

五子賢

鄧騰鄧悝

立天子進賢士天下復安賴有此若使漢母氏一如明德與和熹外戚一如鄧馬比當塗高安得起死不受贈位生不取權勢爲福安知與禍比元勛竟同元惡棄戚畹如何中天意不爲王莽爲梁冀

解虎鬪

寇恂賈復

人難知難知人臣擇君君擇臣寇子翼賈君文知人難難於舉
禹知人帝知禹難其人文武備非此子莫可使今河內當關中
今寇君當蕭公根本地方功簡相如下廉頗太守豈畏執金
吾兩虎乃私鬪其如狐兔何智能謀勇能戰智降高峻勇擊郟
敢戰不使當方面惟帝知人尤善遣河內父老借寇君匈奴亦
知賈將軍

最下策 來翁岑彭

一將去一將來劍雖利安能盡斷名將材刺客刺人何諱哉爲
相死諫將死兵天使得完忠孝名一將死一將生不憂隴蜀不
得平旣得隴復望蜀人苦不知足惜哉失我來君叔呼虎牙以
兵屬奈何效兒女哭彭亡果亡彭君然趨吉避凶世所傳避之
不得中有天

悔餘著樂府卷三

四

半畝園
藏書

倉卒飯 馮異

禹抱新異熱火蕭王燎衣向竈坐英雄失路無不可豆粥麥飯
眞愛我義爲君臣恩猶父子不如此安得天下士禹趣枸邑敗
異據枸邑勝軍情百變皆天定論才何必馮愈鄧

取井蛙 吳漢

彭寵附謝躬死臂助強腹患弭吳子顏信奇士居朝不買宅行
師不辦嚴功臣盡如此豈有繼介嫌裏創起敗轉勝卧不動亂
軍定隱若敵國何其勁何意千條萬端致不聽恃智恃勇中有
病得寸得尺中有命畫像雲臺功乃竟

常勝家 臧宮

樊噲請將十萬眾橫行匈奴中季布斥言噲可斬此事笑倒臧
君翁但得五千騎不畏匈奴匈奴直滅單于拓漢封鋸斷城門闌

課者駭車轆官馬飛來助騎擊天幸僂軍立奇績常勝之家難與慮敵係以長纓射以長箭不如縻以長算所慮舉我天下半不能靖胡亂

北道主 耿弇秉恭

西楚之敗敗於思江東庸人之計大抵同死尚南首奈何北行入囊中不知北道主人在能使漁陽上谷突騎爲軍鋒何物少年智且忠造牀密議邯鄲宮首建大謀開帝聰定彭寵取張豐步藍精銳一掃空擊一得二成奇功不遺劇虜待君父椎牛醢酒何從容郡四十六城三百次第削平無寇蹤不讓韓信稱人雄將門出將有家風萬里策助秉與恭

得天瑞 王霸

嬰兒作戲爲虛哄兒戲之言安可用阻水奈無舟楫送妄言可

悔餘集藥府卷三

五

牛飲園藏書

渡冰已凍借小兒言欺大眾此時憫克人疑夢口舌還爲鬼神弄馮虻扈從趨如風火急合冰呼冷龍鬼神息息與人通與朝之瑞第一瑞功人之功第一功

儒者兵 祭遵

兵威示猛純乎霸兵謀尚譎純乎詐儒者行兵寓變化王道行之好整暇其和易也投壺歌雅其廉約也布被韋絺悅禮敦詩此其亞無惑乎送喪而哀臨朝而託安得憂國奉公之臣如祭征虜者

黃佐命

魏期任光李忠萬修邛彤劉植耿純景丹杜茂

天於王者有所私何爲家破身流離天於王者無所私何爲忠臣智士兼與之當其蛇龍未判時成敗未可知何爲附之以堅城助之以銳師何爲捐親戚攜旄倪燒廬載木羣追隨明於蒼

蔡百不疑苦於荼蓼百不辭當局者無乃癡藉非和成信都獨
守城漁陽上谷並借兵銚期前趕不得遂杜茂中堅何所爭乃
知邯鄲追急東南行豫章之木枝格於是萌希有之鳥羽翼於
是成紫微一星晦而明二十八宿光熒熒

左右手

竇融意

天心自古無成見事無相肖如人面英雄崛起各乘時風雲氣
色時時變西河斗絕羌胡中百粵之險將無同但論地勢與人
望何必尉陀過竇融不貪五郡帝張掖僅擇四縣侯安豐人爵
之榮忌於滿主恩之厚難於終分茅要勝隗季孟擇木蚤知劉
聖公有時天意稱人意圖功畢竟能成功鐵券丹書傳者幾腐
鼠孤雛瞥然起勒銘刻石燕然山不世奇勛古無比仲山甫鼎
保未能沁水主田侵不已左貂乘隙取封侯亡漢之機於此始

人如畫

馬援

悔餘毒藥府卷三

六

牛叡園藏書

畫虎不成反類狗刻鵠不成尙類鶩願謹勅毋輕薄良工不示
人以朴吾於斯言也猶白圭之三復今使修邊幅守章句方領
而矩步少爲縣令老如故何如蘊奇謀擴大度迎天下士勞吐
哺賓客盈門朝徹暮守二千石封三千戶紆紫佩金蒙眷顧又
使善殖產工守錢牀頭死轉死可憐居前不能使人輕居後不
能使人軒何如老益壯窮益堅功業開四邊鑄銅爲柱聚米爲
山將軍故事行百蠻是翁矍鑠猶據鞍瘴溪跼跼視飛鳶馬革
裹屍如願還特是三寸舌七尺軀鬚髮眉目畫不如遨遊二帝
莫能拘獨識真主才略殊誓爲烈士効馳驅何意長者家兒工
矯誣竟指薏苡爲明珠白璧乃聽青蠅汗誠不如御欵段馬乘
下澤車衣食纔足不求餘鄉里善人尤悔無

一門之內小者可論大者可殺以律禁之安得活既不能高飛
遠走去人間義有取予禮有往還以情喻之律可刪政平於水
節高於山清於明月不可攀舊德必衰無二天封侯乃在功臣
先比之式閭封墓尤為賢自此喻人烈士一一開心顏萬里來
歸拜馬前

三異令 魯恭

彈琴而治讓畔而游前有單父後有中牟兒童擾雉亭長還牛
飛蝗有神去不留天於循吏待之優弟兄黼黻襄遠猷俗儒章
奏言不讐酷吏簪纓見亦羞

伏不鬪 伏湛子隆

禮樂斯須不肯去制作有權為太傅何不發揮張治具鄉飲區

悔餘養樂府卷三

七

牛叔園藏書

區非急務坐言起行無乃誤不鬪家風誠足慕功比酈生才有
數節過蘇武歸無路作忠作孝名不腐不獨朝野爭傳伏侯注

行故事 侯霸

戒乳婦勿舉子侯君去汝子必死仁政及人有如此大官為宰
相小官為縣令生人殺人三尺柄有權可以造民命非但下寬
大之詔頒四時之令奉行故事為報稱崇山幽都何可偶黃鉞
一下無處所臣賢主聖猶相忤何怪戴歐填獄戶懷仁輔義天
下悅阿諛順旨要領絕位尊責重易蹉跌何怪嚴光抗高節

糟糠妻 宋宏

丈夫七尺身昂藏千秋重擔擔綱常蘭有秀椒有芳本根不壞
花葉香五倫缺一根乃傷何論事業與文章威容德器當自強
貧賤不加短富貴不加長至行未可尺寸量貧賤之知不可忘

糟糠之妻不下堂未見好德如好色聞義則服臣所望

佳乎吏

馮勤

前有萬石君世以修謹聞後有萬石君生子名曰勤勤於國忠於君諸侯封事仗佳吏尚書總錄侵司勳三公稱職難其人何不用功臣娶長婦生長兒胚胎二氣聽人爲此母此兒亦一奇君不見侏儒飽死方朔饑又不見晏嬰身不滿六尺蔡義偃僕無鬚眉

公卿夢

蔡茂郭賀

萬古聖愚同一夢華胥人物疲迎送熊羆蛇虺紛然動何如蝴蝶飛虛空癡人說夢夢皆癡占夢之書我笑之枉惹敬兒通體熱誰令士行著天飛至人無夢心無事亂夢如雲不勝記月入懷中龍據胸史臣借此推祥異失不得祿頗分明聯絡文章別有情一路功名從夢起寒帷露冕郭喬卿

悔餘春樂府卷三

八

牛歌園藏書

名德用

杜林

審去就明義利薄功名重孝弟書生節概軒然異古文尚書不忍棄絕學能傳枕中秘患難拳拳服古義爲儒爲通儒爲吏爲清吏刑與德交相非民與吏交相欺科禁日滋吹毛索疵果桃李茹以臧論上下相通敵乃不可知一如舊制無改移博雅多通稱鼎司知交欲盡天下士名德足爲天下師梁王刺客不忍刺爨絲隗囂之客亦如之楊賢烈士可以配鉏耒

名家駒

趙烹

趙氏孤孫頭角殊何意繭栗憤竟名家駒美人自嫌脂粉污不幸乃遭泥土塗棄孳跳走非丈夫載人之孳自推車薄雲高義近今無嗚呼友朋如此况君父情義纏綿出心腑英雄感激

無虛語水盛始有波絲長必有緒長者恩多及婦女忠孝無虧於此許

行過儉 宣秉王良

在山遠志皆出山終日奔走風塵間病乃去徵卽還苟無忠言奇謀取大位何爲往來屑屑不憚煩此何人哉爲此言鼎以養賢當大烹袞衣締繡所以優公卿布被蔬食乃自輕命婦荷薪尤不情世獨吝其清豈不聞公儀拔葵去織婦公孫脫粟得詐名行過乎儉禮失乎中山樞蟋蟀所爲詠唐風詐爲廉不能詐爲忠豈其楚兩龔不如雲陽宣巨公

白馬生 張洪

不爲宰相爲諫官天下利病皆得言賈生痛哭長太息所爲謀長治圖久安古來言路何其寬警箴矇誦以至工藝莫不然漢猶近古有古意羣司謬謬爭朝端有枉必使直有闕必使完不惜言者苦難爲聽者歡馬蹄得得天回盼白馬生且復諫

交道難 王丹

衣必織食必種儒生不免饑與東一絲一粟不妄送蚘廉將學於陵仲何如義士臨財量輕重取於人還爲人所用匪獨肥馬輕裘朋友共君房當世稱名儒論交不許無乃迂前有張陳後有蕭朱交道之難如是夫

不讀識 桓譚

賈誼以才逐量錯以智死窮愁以著書終憂患以識字始自古天心板如此奇材不登匠門大聲不入里耳俗儒盡力相排抵鴟嚇鷄雛固當爾特不分伸於知已屈於知已能令天怒不能令天喜但誇新論文齷齪未若新聲奏靡靡白日在心邪不礙

赤電在口寒不噤大言炎炎不可禁臣萬死不讀讖

再去婦

馮衍

才之通有時而窮遇之窮有時而通生才之天獨不公乃使有生顛倒憂患中虎無角蛇無足與之才不與之福不落落如石而碌碌如玉二人一車同坐並驅左者顛墜右乃自如士各有命無從扶忠不能効赤伏符智不能窺孔演圖雖趨世不足而律身有餘脫歸婦之毒手寒憐人之讒口惟斯文之不負而吾名之不朽

君子槩

鮑永

日月垂光有不照聰明決策有不到良友幸同調孤臣無異操一揚一抑誰能料命不由大君造道不為小人橈忠義自安非望報敬通坎珂守堂奧君長從容贊廊廟混沌無言亦無竅

悔餘看樂府卷三

十

半敬園藏書

古之狂

鄧惲

滿朝簪紱嬉夢中歌功頌德神矇矓開眸突見阜囊封有聲如雷氣如虹天文聖意當我從寶黃廝赤天不容赤制使我鳴鼓攻古之狂也無與同窮則遁蒼梧從赤松通則守長沙傅儲宮天生俊士以為人也何一通而再窮當時主聖臣賢廢后奪嫡奚取焉信乎夫婦之際父子之間人所難言爾獨彌縫其隙難乎難扳及遮讐為友報舉觥糾罪為主告閉門拒命不受詔避地著書不吝致奇氣驚鬼神大節挺忠孝非若今之狂也狡

善言天

蘇竟楊厚郎頌襄楷

前人紀數甲與乙後人紀數一至十一書開天數不窮經姦推衍無由畢奇耦相生祖人道一六相成判天兆陰陽術數附聖經經原有緯非虛造大道平平直不邪縱橫支徑各天斜小慧

不能通大義繼幽鑿空自名家吉凶災異春秋易未得神明得形跡天意微茫未易回多言倖中誠何益薦賢去佞苦難行獨有天災最動聽儒者恥爲方士比更生忠告不離經主文譎諫炙輶輒不以危言撥奇禍指天爲正天無言筆舌縱橫無不可星經風角近於巫狂直安能似史魚聞之足戒言無罪巧借機祥作護符書傳清領黃巾起誰得真言五斗米太平陳聖太平經作俑當由良賀始

薄三公

郭伋羊續

大俠之門見循吏忠臣有子宜超異自然至德能摩厲亦有陰功在拯濟功德渾淪無可頌兒童感激因天動西河竹馬勞迎送不作三公名更重妻孥資給俸不足布衾裯麥數斛東園左騶虛往復不愛三公志尤卓

悔餘菴樂府卷三

德政歌

杜詩張堪廉范賈琮

十一

平畝園藏書

人可形容非美人形容不到乃其真德可謳吟非至德謳吟不盡乃其極水排農器功可久南陽水利思賢守乃歌曰前有召父後有杜母珍寶如山無所私豐年爲寶孰有之乃歌曰桑無附枝麥穗兩歧張君爲政樂不可支因噎廢餐無乃誤比戶笑看燈一炷乃歌曰廉叔度來何暮不禁火民安作平生無襦今五袴民寃無告京師遠近聽仁風草皆偃乃歌曰賈父來晚使我先反今見清平吏不敢飯

義割愛

孔奮

漢賊不兩立忠孝不兩全公義割私恩生死皆由天左攜孺人右挈稚子行同行止同止不願同生願同死天性之恩有如此豈知官不能庇兵不足倚栽培傾覆天亦不可恃盜既弭家亦

燬摘瓜蔓必枯拔竹笋必瘦百枝同一根根傷安得壽一根生百枝枝傷安得茂復讐雪恥無他圖干戈滿眼身醫孤干秋積憤不得舒何當受道從君魚

比伍員 蘇不韋

搗塵磨粉百不憂抱冰握火百不休但當手斷讐人頭精誠洞達地為開白刃突從牀下來一擊不中真惜哉不截生頭截朽骨讐人自此無顏活子胥鞭尸氣勃勃天亦何心讐孝子六十餘人一門死段頰獄中死晚矣

君子富 樊宏

田文市義因馮驩狡兔之謀不足談何如湖陽三老焚削文契數百萬責家聞者皆懷慙仁柔能使強梁服豺虎為之斂牙角黃巾不入鄭公鄉赤眉不焚樊氏屋陰德必興宜有後生男封

悔餘菴樂府卷三

十二

牛飲園藏書

侯女封后好謙惡滿乃能終奕葉冠裳洵善守欲作器物種梓漆欲求富貴種陰陽癡人大率笑人癡積功終有收功日

黃羊祀 陰識

鬼笑人窮抑揄路中窮者忽通拙者忽工人拜下風鬼亦鞠躬富貴如可求執鞭吾亦從鬼神如可禱媚竈吾亦恭操約望奢人所同何惜黃羊不以供我聞靈鬼知興廢鬼餒有時求一祭若非隱德當天意殺盡黃羊貧不濟

單詞獄 朱淨

世間怪事何不有人倫之變言之醜鄧攸縛子掉首行朱淨刺妻跳身走何况上下手縱橫口賣弄國恩兼賣友漁陽兵反誰之咎乘費取功謀不朽花葉無根安得久恃才者躓於才好名者沉於名翩翩奏議銜聰明軒軒意氣轢公卿小舟重載終自

傾

用健令 馮魴

泥人木偶時作聲夜郎自大踞公廷垂旒戴纒蔽聰明刁胥猾吏立左右無文弄智詞縱橫熏燒不及倚城社白日狐鼠公然行養偷蓄盜匿亡命疥癬不治癘疽生天下如是何時平烏頭附子生有毒用之得當勝芝朮宥劇盜推心腹助健令作耳目四郊無警民安樂

勞二百 虞延

嗇夫喋喋擯不用絳侯木訥乃見重何意督郵一言中陵樹株藥諳其數俎豆犧牲曉其禮進止從容詞娓娓天亦開顏怒轉喜為督郵故賞御史得一請書勞二百熏燒巨蠹無假借城狐社鼠皆禡魄所願後人治蠹用此格小侯儀貌徒可觀華實不稱知人難惟君副此腰圍寬

悔餘菴藥府卷三

十三

牛獻園藏書

雲母屏 鄭弘

朝南風暮北風風亦有神從鄭公名臣奏議傳無窮尚書故事垂南宮富民俾作大司農零陵桂陽嶠道通貢獻徭役省歲供使勞者息饑者充薦賢且喜班列司空致敬卑曲躬雲母屏風隔坐中鄭公故事至今從

懸飛書 梁松

慧苴為明珠伏波死受誣誰令貴主墻亦白懸飛書

當廟食 梁棟

大丈夫處世不為州郡職生當封侯死當廟食壯哉此言何絕特有志無時不能得不識韓禽有何德死作閻羅王生為上柱

國

跋扈將軍

梁冀

有丈夫焉矜目鳶肩口吟舌嗜酒能挽強彈棋格五六博蹴
鞠兼意錢又且臂鷹走狗騁馬鬪鷄好游畋出則狐尾單衣卑
幘狹冠折上市擁身扇叶平聲軒車平上尤新鮮居則陰陽奧室
連房洞戶飛梁石磴綺疏青瑣臺閣周通柱壁雕鏤圖以雲氣
仙靈充以汗血名馬叶猶復廣開園囿採土築山十里九坂以
象峭幽深林絕澗有若自然奇禽馴獸飛走其間彼美人兮麗
態妖顏嘖粃薄注愁眉細攢墮馬髻偏半邊折腰步邪不端齟
齒笑楚不歡閨中風氣變長安花底秦宮獨飽看維時獲而衣
虎而冠胡狗亦爲官一門之內三皇后六貴人七通侯與邑君
三公主壻二大將軍其餘卿尹將校五十七宗親賓友無不據
要津方其張羽蓋乘輦車鳴鐘吹管倡伎囁于左攜右挈後擁

梅餘堯府卷三

十四

牛歌園藏書

前呼志氣爲貪狼踪跡爲訓狐直言必誅異已必除死黨滿朝
人主孤跋扈將軍自古無豈知天網終不疎深根巨幹一朝鋤
庶騶圍第死當辜三十萬萬貲產籍無餘

八世封張純

一朝禮樂數四變禮家聚訟承明殿一日君臣數四見儒生遭
遇人爭羨未聞制作贊皇猷但議東巡告封禪得時又一叔孫
通別有嘉謀立辟雍能諳舊事忝新政遂許新朝襲舊封八代
通侯無譴責張湯何地種陰功

慕叔孫曹爽

寢則抱筆札行則誦文書慕叔孫通如此劬圖始其奈羣僚拘
豈不聞考父正殷奚斯頌魯一夔足以成韶舞何必今人不如
古當時大儒若張酺持議明明相粗犷依經據讖投時主不知

百五十篇作何語無乃猶之樂名子

孔功臣 鄭玄

名士聲名動人聽名儒德行使人敬黃巾羅拜不入境始信鄭
公名德稱六經著述見根柢璧幣蒲輪徵不起牆邊其詫識字
牛泥中更愛知詩婢季常絲竹何足比冰生於水寒於水何意
是師有是弟今年歲在辰明年歲在巳龍蛇失所賢人死當時
孔子夢周公今日鄭公夢孔子孔林嘉楷根不老歲稟靈著叢
不槁不其山下鄭公鄉綠遍春風書帶草

諸儒宗 鄭與子眾范升陳元

父不仕季孟子不拜單于言行爲名臣著述爲名儒左氏傳孔
子徒傳疑傳信皆不誣見知自與聞知殊公羊穀梁皆後出以
耳爲目無乃疎左氏功臣稱鄭賈物貴則知希曲高則和寡范

悔餘菴樂府卷三

十五

半畝園藏書

博士何爲者長孫之言近大雅

賈長頭 賈逵

知臣莫若君愛子及其母但能誦讖畧上口官粟宮衣皆汝有
諸儒皆以問爲羞問事不休賈長頭與目謀未若與耳謀研摩
編削無他求饑寒乃爲君王憂此子無人事於外屢空則從孤
竹之子游賜金賜帛恩獨稠天子愛才非有私以其傲儻有大
節愷悌多智思白虎觀析羣疑黃門署充良師失官供簡紙秘
館寫文辭左國不墜功在斯儒生遭遇未可知當以讖決之

張曾子 張霸子構

爲天士爲人師讀書成就未可知根器見之髻鬢時請業請益
非常兒張曾子饒爲之捐矛棄戟潁川治孤生守郡亦饒爲日
中則移月滿則虧三年報政移病歸舜有羶行蟻慕羶昔聞其

語今見其然公超所處成市屢能使萬人慕尤勝三公賢大儒不必皆大官丈夫當爲九州雨萬國風五里霧術誠工不爲賊何所庸

宜世官 桓榮郭躬

東京盛事古所難宮傳廷尉皆世官明德之後郭與桓明經不過爲博士明律不過爲掾史公卿別有濟時才讀律讀經何有哉何以起士伍達聖聰若或使之何仲弓拜五更論三雍器具大官供租稅大邑封四世帝者師一門儒者宗儒家法家當不同何以讀小杜律司大李刑誤殺罰孫章專誅許秦彭四十一事重改輕平施之道如其平信乎遺子黃金滿籬不如一經以產業與子孫不如清白名法家儒家無不同君不見關西孔子東海于公豈第桓榮與郭躬

悔餘齋樂府卷三

十六

牛飲園藏書

夷齊病 丁鴻

墨胎冢君遵治命延州季子避亂政求仁得仁仁乃定逃名得名名乃盛爭名讓國讓猶爭以義斷恩安可聽傳後當爲後事師學古毋爲古人病

不探名 張宗

避難就逸非英雄何用書名竹簡著笥中壯士縮手不肯探願爲後殿當兵衝以數千人禦百萬旌旗獵獵鳴雄風赤眉從此避張宗

虎狼服 法雄

宋均禁張捕猛虎東渡江法雄毀檻穿境內無虎狼惟慈能制猛惟柔能克剛匈奴不犯荀氏閩黃巾不入鄭公鄉至仁自使不仁遠豈止山君帖耳降

驚餓賊 趙孝

犬羊均受性蜂蟻同情命浪死浮生皆不幸生不顧名行死不由老病躡跡夷齊孰為政田禾將軍生孝子孝子之肉食者死孝肥禮瘦爭就烹餓賊流涎不敢舐人事之窮見天理其事可風其人可庸十日一送大官供朝廷指視以為榮衛尉府中難弟難兄彼何人斯歌角弓

江巨孝 江革

天倫之樂誰能舍天親之愛不可假人孰不欲吹笙侑餐箝鞞奉竿以娛其親者傷哉貧也探拾以當雞豚推輓以當牛馬於此而不致吾情烏乎致吾情非以為名也然而巨孝之名滿天下天性一何豐人品一何崇投劾不就楚太僕捧書不報竇侍中

悔餘菴集府卷三

十七

牛畝園藏書

議制服 劉愷

刺史一州之表二千石千里之師奈何三年之服不使身先之源濁而望流之清形曲而欲影之直誠哉不可得為輜輶必有軾為瓠觚必有埴况三公之職乃萬方之式得一人正四國不重其才重其德

火越燒 蔡順

母思兒輒噬指兒心動歸如駛性天之感捷於矢易以感為體銅山洛鐘非此比卧火中堅不徙伏棺上號不止飛火有神避孝子兒勿畏火母在此母勿畏雷兒在此霹靂殷殷不忍起

繼腐史 班彪子固

相士無庸見顏色文章足以詹才德西河五郡儼敵國留意人材乃能識鳳之祥在羽翼國之華在翰墨生才不必皆契稷禮

藥兵刑各分職文無專任才難得何況一家言千秋業史遷絕
筆誰能及君臣事跡父子勒國有成書家有集官不求高惟文
乃豪文不求豔惟史乃瞻學無常師薄章句能不高人儒者慕
弱冠英雄東閣預奏百篇書作兩都賦腹笥便便羅掌故長才
并欲追相如間氣微茫不可招鍾靈何意在同胞外域封侯旣
得超內廷授讀復生昭

方貢禹 第五倫

兄弟之子猶子也性有等殺無可假沽恩示愛奚爲者人才可
用亦可舍可用之才用亦可棄取不在千里馬斬芻執爨同奴
婢賤質俸餘毋乃鄙太守之賢不在此能懲苛切持大體爲長
者言殊可喜貞白庶幾貢禹比

清尙書 鍾離意

悔餘齋樂府卷三

半畝園藏書

貴爲吏賤爲徒饑欲得食寒欲得襦貴賤有別情無殊卹徒之
寒如卹其軀用心若此豈非良吏乎孔子忍渴於盜泉曾參回
車於勝母惡其名之醜珠璣臧穢不拜受清乎尙書言不朽解
衣就格天怒以舒免冠上疏天災以除回天之力猶有餘天使
來修孔子車直臣相魯不相漢畏臣之口厭臣面六飛數幸廣
成苑百官大會德陽殿

撞郎 藥崧

昔日爲郎殿上立今日爲郎牀下匿郎出郎出不得操仗逐
郎如逐賊天子穆穆諸侯煌煌未聞人君自起撞郎豈知郎瘦
不足當一撞無被枕杜食糟糠與其凍死如左伯饑死如東方
不如撞死君之堂大哉君王怒爲秋霜喜爲春陽賤之則馬牛
走寵之則麟鳳行大官供膳侍史熏香珍羞朝夕旃褥温涼一

十八宿爛生光縱令撞死亦爲郎

山娶巫

宋均

猛虎雖有耳不能聽號令飛蝗雖有目不能窺德行蝗不入境虎出境此疆彼界誰所定山公不娶山姬不嫁以巫嫁山山亦怕從此山神盡繆寡厚德高於唐后山大功長在五溪間伏波馬革裹屍還非公不定武陵蠻

活楚黎

美朗

初生三日棄荆棘數日視之猶氣息天生有用才求死不可得功莫大於理冤罪莫大於謀逆若之何徇私窺九重舞智弄三尺考一連十考十連百公卿長跪言得失惟多殺人能塞責一言可以活人命一誠可以格主聽何惜齒牙不敢諍

漢泰伯

東海恭王

悔餘善樂府卷三

十九

半畝園藏書

宋均不肯宜其廢夷齊相讓宜其棄以賢易賢古所未盛德爲之尤足異虎賁龍旂溢於例茅車瓦器減於制始終榮哀兩無媿爲吳泰伯信不易卓爾獨行兼孝弟

比河間

東平憲王

龍之鱗鱗之角自倚天家親骨肉不比凡民庸耳目租稅憂不豐工技憂不足樂少憂多多嗜欲惟有東平言行卓處家何爲爲善最樂斯言甚大副是要腹典雅善文章隆益善制作百世之功在禮樂一時之功在輿服

詔書過

朱暉子預孫穆

童子拔刀懾羣盜掾吏奪璧驚賢王在官被劾性無改知己信心言不忘南陽朱季直且彊行年八十不避禍閉口不言聽所坐白頭乞病太醫來黃髮無愆詔書過濟濟尙書慙一个公孫

好學心力專不知馬足失衣冠五十奉書和弟子再三奏疏去
中官文忠私諭繼貞宣

九九策 何比干孫敬

張湯爲僚屍錯爲師刻深之吏皆同時仁恕折獄堅不移于公
高大東海門定國而後湮無聞豈其陰德長子孫淺深未可一
概論水之遠近存乎源官德賞功天不苟名籍潛登帝左右竹
策持來媪神手 漢樂章稱地爲媪神曰汝有後纍纍印若若綬有如此策
九百九平陵開族爲名宗汝南太守尤公忠鼎司膽慄謀勿庸
戚畹踈盤勢必攻至今諤諤思清丰狄青不肯祖梁公我乃遙
遙華胄慕扶風

無咎譽 鄧彪徐防張敏

箕卷舌何以爲簸揚鼎顛趾何以爲羹湯鹽梅失和凡時政秕

悔餘菴樂府卷三

二十

半畝園藏書

糠委蛇退食淡相忘方且詡清白循故常舉經解辨刑祥當其
釋毳褐襲簪纓挾章奏獵公卿嚶嚶鳴及至巢阿閣宿舩
稜反舌無聲肘黃腰紫偉儀型永元永初娛太平莫問目前事
何論身後名

將無同 張禹

前一張禹後一張禹不知古勝今今勝古質之青史茫無語前
也太傅後也太傅不知孰忠貞孰阿附三公絕席禁內住亦若
帝師蒙禮遇災異不隨徐尹去名德同尊位同固前之張封安
昌後之張封安鄉不知斬馬劍請上方誰當斬誰不當奇莫奇
於肺腑相似項背相望休休相度壽之長後有胡廣如孔光

文恭侯 胡廣

浮雲蔽空白日濛濛老臬晝鳴宮闕中攜短狐挾雛龍遂使賁

育挫勇伊周抗忠徹天寃氣爲長虹白刃可蹈不可中庸天下
中庸惟有胡公水清必淺福祿非庸不能衍山峭必險名位非
庸不能遠剛必斷不如輒直必偃不如俛君不見守家犬不吠
不噬常飽煖一履司空再司徒三登太尉又太傅伊古人臣無
此遇但令菊水延年能久駐升庸更有登天路已矣乎東園梓
器原陵墓終始哀榮人盡慕地下如何見李杜

世三公 袁安

三書生來何從指言墓此地當世爲上公但聞三台降天上不
聞三司出地中陋巷簞瓢嗟屢空雪中僵卧甘饑凍稜稜鐵骨
最禁寒磨鍊待爲當世用立朝正色誰敢干勁節如山搖不動
嗚噫流涕球時危朝野依之以爲重持議不爲權勢避鞠人不
以臧罪計仁心覃後參天意四世三公根吉地本初兄弟獨不

利

嚴見憚 張輔

海水納汚山澤藏垢君人之德在能受豈其將順爲美匡正爲
醜以嚴見憚不得在朝右賜裝出爲東郡守帝者師尙緘口近
臣侃侃安能久舜曰兪臯曰咈禹曰吁臣鄰大義在尙書豈第
注二典訓三謨終朝講讀聲伊唔一堂如與古人居一經當爲
古人徒閭閻惻惻何所圖叱司隸詆金吾不能爲禹臯爲史魚
事君事父兩不辱公卿朝罷回班祝忠孝乃能兼此樂

署三劍 韓稜到壽陳龍

寒泉瑩然之而連踏神變不測曰楚龍淵咨汝韓稜謀畧著稱
神朗於鏡面寒於冰搜奸縛虎附熱驅蠅賜汝龍淵斷割比能
非霞非雲鬱鬱紛紛五光十色曰蜀漢文咨汝到壽文章獨富

六枳糾違萬機密奏威聲讐冀正色劇竇賜汝漢文青蓉競秀
百鍊金精有光有聲韜鋒養銳曰濟南椎成咨汝陳龍刑名兼
綜校律除苛執樞謝冗鬼哭潛收獄情無壅賜汝椎成水心等
重

萬里侯 班超

燕雀安知鴻鵠志相士能識天下士祭酒布衣諸生耳而當封
侯萬里燕頷虎頸飛而食肉封侯之相有如此大丈夫抱志略
究文字官不過蘭臺令史安能久事筆研間要當爲張騫傅介
子攬鏡而喜投筆而起噫吾逝矣何時無英雄何地不可以立
功三十六人橫行三十六國中行氣如虹投隙如風攻匈奴使
如燎蓬取于實巫如斷慈人如虎馬如龍犬羊之性不敢克宜
其展智囊厲神鋒及聞所言平平耳行事亦庸庸大綱是綜小
過能容忠信可使蠻貊從依漢使如父母抱馬脚不聽其東西
域都護能始終五十餘國貢道通天子稱壽觴太常勒景鐘定
遠侯受大封健哉此公漢四百年無與同前人功業何班班建
節蒲類海勒銘燕然山總不若犁尉犁之險度懸度之艱慈雪
龍沙咫尺間少年看劍缺暮年循刀環狐正首邱烏倦思還臣
不望到酒泉郡但願生入玉門關

悔餘菴樂府卷三

二二二

半畝園藏書

經史砭 楊終李法翟輔

文學盛衰皆有時當時必有人先之今人皆習古人事古人可
作今人師傳人傳事聽之命書史闕佚誰能知石渠高論世無
傳白虎通義猶全編解經鼻祖重漢學異同始自建初年傳信
傳疑在史臣事功失實人失真史不闕疑書盡信古人自誤誤
今人博士講堂橫卷坐廢爲芻牧牛羊卧得士無難養士難太

學重修功亦大一朝簪紱人如蟻名公鉅卿傳者幾汗青著墨
物無權清白流芳天有理古來埋骨不埋名大半書生留姓氏

光昭社 應奉子劭

神光照社為黃金文光照世為儒林光氣之祥主文字書工著
述詩工吟十子高才良不易七世顯官尤足異八龍不數高陽
里識人半面不忘讀書五行並記三十篇續楚騷十七卷輯漢
事為太守拔側陋為司隸羽嚴厲其才也若此可惜此才生叔
季才也養才才更粹風俗通狀人紀漢官禮儀故事備春秋決
獄善駁議心焉憤邑於茲寄生才不用用不盡不為鳴鳳為蛙
蚓

面稱違 爰延

白馬令死於諫誰敢直言當怒譴忠臣之心如其面而稱主違

悔餘菴樂府卷三

二五

半畝園藏書

心不變尚書令任事則化中常侍豫政則亂可與為非可與為
善是知陛下為漢中主曷不為齊桓遠豎貂近仲父主德不定
於一字臣心不盡於一語臣為李雲固自取臣為朱雲亦奚補

誦市書 王充

天道如懸衡將以平不平才人乃作不平鳴文字不平方有聲
不平之論以衡名如衡有權權重輕盡讀洛陽市肆書九流百
家何所無竊墨於魚取白於狐食古而化才有餘諫爭不合宜
遂初慶弔並絕甘獨居戶牖牆壁刀筆儲能談時事非俗儒中
郎秘之猶寶珠帳中坐卧與之俱異人不為世所需異書乃為
人所娛同時著論有潛夫

潛夫論 王符

公卿蓄縮皆箝口得失不言言亦醜局外觀棋當袖手謗不諫

鼓今則否括囊庶可占无咎何事姝姝議其後太上有言三不朽生不逢辰數不偶惟有立言可以久三十篇書才一斗指訃時短如概概滿討謫物情如鑑鑑形狐之腋雞之蹠不食不衣尤可惜善言不用言何益書生突兀文章伯度遼將軍能愛客坐中太守面發赤鴈門食鴈胸無墨徒見二千石不如一逢掖

清言祖

仲長統

黨禍之終移漢宇起於甘陵南北部清談之禍延六朝後人歸罪王夷甫孰知不自夷甫始亦不自何平叔王輔嗣實始山陽仲公理樂志滔滔數百言管人筆舌無能比寄愁天上埋憂地下叛散五經滅棄風雅百家雜碎請用從火焚書坑儒如是果李斯之謀庶其可不知名教中何地更容我昌言無乃非其時時無大禹孰拜之阿瞞牢籠天下士參軍發憤將何爲狂生之狂洵有膽名士之名誰不領畫地爲餅豈可啖行則不能言則敢

悔餘菴樂府卷三

二十四

半畝園藏書

士有道

龐參橋立任棠姜岐

貴之如寶賤之如草貴賤隨人爲拙巧進也如頭腦退也如牙爪進退隨人爲醜好獨有幽人抱至道春風不能榮秋霜不能槁孰與之游有天老人巍巍視之藐閭巷傳呼太守之車門庭闐如幽人之廬但見薤一大大水一盂抱兒當戶伏不趨水者欲吾清乎拔薤者欲吾強宗是鋤抱兒伏者欲吾開門恤孤無言之言意有餘知者以爲智不知者以爲愚不可得而親者不可得而疏趨士則可趨勢則否求士不偶趣嫁其母此語如何出諸口天子不得臣諸侯不得友若使迫之以勢幡然受出處之間亦已苟士若此何必有

知己誓

簡玄

玉石皆灰火乃熄救火何能辨玉石失一子得三賊劫質之風從此息與盲夏侯同一格人才可料不可料知人有到有不到至好忘年縱談笑隻鷄斗酒生前要獨以安民許曹操

禪雕龍

崔駰子瑗孫質

偽朝豈有真名士劉歆得罪揚雄死兩甄兩唐不足齒巧佞何論說符使義成夫人寵母氏建新大尹擢介弟一朝之榮一門之恥需才之時抱才死文章可傳何必仕尤幸文才相繼起葉公好龍真龍下不好真龍仍好畫獻頌見知恩可藉受詔論交權可借胡爲乎鼎湖攀髯龍已駕禹門燒尾龍難化將軍掾從此謝長岑長從此罷不樂損年年不假才子有才才亦霸世禪雕龍人盡怕南陽官記文中龍當代文人拜下風政論規時字

悔餘菴樂府卷三

二十五

牛叡園藏書

字工黼座胥宜寫一通多才不顯古所同西州名士有何功銅臭乃得濟三公勝爲新室大司農

識去就

閱頁荀恁魏桓馮良

黃鵠之起也一舉千里鷺鳩之飛搶枋榆而止鳳凰之來也巢於阿鳴於岐鷓鴣雀之集在蓬蒿之宇枳棘之籬彼其擇地而棲出必以時鷺鳩鷓鴣雀安能知彼其志在寥廓跡在希夷又豈屑爲入柵之鷺棲埒之鷄止乎仕乎行其志乎後宮千數其可損乎廐馬萬匹其可減乎左右權豪其可去乎使桓生行死歸又何補乎君不見閔仲叔荀君大投劾行解職罷歸來嘯傲衡門下又不見馮君郎棄尉佐毀車殺馬不復駕

醜狀兒

周燮

欽頰折頰備醜狀自古聖賢多異相與宗乃此兒鬚髻知廉讓

讀書爲道不爲名修道以實不以聲動非其時焉得亨立纁羔幣徵不行少微涅照安城東岡之陂光熒熒

小顏名憲

才不擇地曰天道不忘世曰賢禹稷顏子易地則皆然入谷之日依依出山之雲遲遲聖賢不能爲時卷才德而懷之莫名其德德乃希不見其才才乃奇國有顏子人盡知汝南乃出牛醫兒恃才者若失向德者是師汎濫之器清而易挹也豈若汪汪千頃之陂滄之不濁澄之不清時月之間不見黃生則鄙吝之萌復存於心雖言行無聞而天下號曰徵君

南州高士徐耜

豫章太守不好客堂中閔寂懸一榻終朝見榻不見人南州高士無行跡知已情深死乃見江夏黃公不相面千里裹糧申一奠生芻一束人如玉皎皎白駒在空谷誰其堪之太原郭語茅容告林宗大厦將顛非一繩所維胡爲乎栖栖

梅餘香樂府卷三

二十六

半畝園藏書

卧同被姜肱

花開同一樹零落始肯分飛去草生同一根剖枝析葉終不蕃草木無情人有情何幸同懷爲弟兄一氣生成寒煥異何賴人倫重孝悌置長枕共大被有如此枕此被夜夜無相棄死可代生不離麒麟賀世安能駕絕代蛾眉老不嫁君恩稠疊爲我謝貌醜柯勞畫工畫

笑不應申屠蟠

老子猶龍其生也當周室之東官隱於柱下龍伏於泥中誰其繼者申屠公蟠爲名龍爲字潛龍勿用無不利昔戰國之世處士橫議幣聘郊迎諸侯擁篲挾書坑儒禍從此熾蛟螭失水生

無地黨禍橫流何路避獨有神龍測天意嘯氣爲雲龍自爲一
鱗一爪見不易雲中矯首翻然逝

致大鳥

楊震子秉孫賜曾孫彪玄孫修

黃雀銜四環飛出巾箱間化為童子持以獻使爾子孫清白世
躋三事班冠雀銜三鱣墜自講堂前維時都講拾以進祝我先
生衮服鼎鉉從此遷潼亭大鳥下翩翻俯仰悲鳴躑躅於喪前
異矣哉關西累累生名賢此與羽族何因緣藉非天翁之白雀
微德何以能通天天上若非鳥紀官祿籍何以知機先禴祥於
鳥復何千山頽木萎天不憐羽蟲何以溟濔然吾問之於天天
乃爲我言造福之天原自造西王母使先來報休徵善氣陰相
導鳳摩鸞叱百鳥弔人中鳳死神禽悼鸞鸞生雛無不肖獨恨
鳴梟互相苞前有豐廣後卓操

悔餘菴樂府卷三

二七

半畝園藏書

三不惑

楊秉

暮夜黃金拒昌邑送錢百萬無門入子孫強項傳清白不貽以
財貽以德五十餘官露章劾七百餘郎留拜絕惟能清乃能直
袁氏宗風不能及石鳥墓前無媿色內治家外治國祇此四知
三不惑

埋車輪

張綱

穢惡滿朝坐不掃身命雖存心已槁豺狼當道問狐狸八使巡
風亦虛擾洛陽亭下埋車輪驚天一疏尤驚人切齒直陳十五
事議貴不赦椒房親郡無兵馬單車到輕身入壘驚羣盜弄兵
赤子皆釋兵再造之恩如大造有室使我居有田使我耘仁不
假長壽賞不及大勛禱祠祈福神醺醺天有耳如不聞人有口
誰不云千秋萬歲何時復見此君

劍當車 神葛子册孫劭

異士不必在山澤山澤不必有異士六孝廉中首屈指乃在洛陽門下史中官單駕迎太子手劍當車誓以死臨事不惑有如是州民乞留禁不止刺史得人誰及此没身猶得單于祀父死國子死兵死忠死孝皆有名山甫之後清風清

此議健 陳球

陳廷尉便操筆健哉此議一言畢李咸擣椒死不恤隨聲附和難為匹小人共事無不壞婦人知謀無不敗斜谷之木可為械輕視癰疽如去疥計若果行豈不快二球併命死猶斷不死於虺死於蠱

宦者仙 樂巴

天上神仙有時葬學仙之人何所望仙術通神亦奇翹能使宦

悔餘菴樂府卷三

二十六

半畝園藏書

官陽氣暢西南巗酒為飛雨郡中疫鬼驅黃父神仙不死非虛語或者獄中尸解去史游書工急就章蔡倫紙亦重文房當時若不辭左璫僅有聲名似呂強

董三仁 劉陶

寵之為侯辱之為囚小人之福君子之憂秉鈞若此誰與謀所為嘉言結忠舌國命出讒口烏鈔起饑黎魚潰伏羣醜鬪生無一前退死有百走養魚沸鼎不能久棲鳥烈火誰之咎嗟嗟獨麟之鳴不勝百犬之吠七尺之軀不如三尺之喙恨不與伊呂同儔而以三仁為輩迄今誦擅閭樂授趙高之疏不復見反韓非復孟軻之文已然不樂思我劉君

帝不諦 李雲

十二萬年天亦老天帝倦勤無白阜陰陽錯迕為早潦報施寵

辱皆顛倒刀兵水火縱橫掃茫茫黑劫昏難曉大造造人先自
造混沌鑿深元氣槁女媧煉石補不了天子無權奉天道夏之
未殷之季是主若臣天有例子之位奪如寄子之賢殺如戲如
老必病病必斃縱有良醫不能治假使垂旒明不蔽廟栗社松
何自替移書三府爲死計大聲疾呼帝不諱白馬令中天忌

報怨魂 謝弼

一言足以忘身一事足以成名不鳴之鴈亦遭烹何如飛鳥有
遺聲漆黑之天見天道司隸猶能斬曹紹

別利器 虞詡

事不避難志不求易不遇槃根錯節何以別利器朝歌長人所
棄人得之爲時衰我得之爲時至采緼縫裾作賊幟里門收縛
猶兒戲示弱示強時勢異滅竈增竈同一智小弩先發強弩繼

悔餘菴樂府卷三

二十九

半欣園藏書

兵法可師師以意二百八十五營衛四千餘萬省漕費爲民之
利國之利百官側目號苛刻黃門縮手伸不得去國之賊民之
賊虜之香貴不歇驥之德貴不蹶九見譴考三遭刑罰剛正之
性老不屈死爲史魚諫生爲展禽黜

次守節 傅燮

南容少咎我常侍萬戶侯不難致白圭之玷尙可磨此身一玷
將奈何遇不遇聽天命封不封聽國政公義不可干私賞尤可
病獵獵疾風知草勁食人之祿難不避誓以必死無他計獨幸
別成有才智勉之勉之爲我嗣

快司隸 蓋勳

身受三創堅不移水表之下陳我口求死不死天相之反虜無
知亦有知欲除蹇頑功不遂欲圖董卓力不繼惜哉不用快司

隸使之去小醜成大計快人快語爲快事

陷冰丸

焦和

鐵鎖斷長江兵家留笑端豈知焦刺史解作陷冰丸

二烈士

臧洪陳容

仁義豈有常所蹈之則爲君子背之則爲小人甯與臧洪同日死不與將軍同日生當其登壇慷慨執牛耳聞者激揚皆奮起何圖異姓爲兄弟同室操戈從此始夷齊餓首陽豫讓刺襄子君父之讐惟力是視生不報恩但有死如何一日戮二烈士天下傷心無過此四世三公恩厚矣非冀乃求傳國璽東帝西帝不足齒本初兄弟真犬豕

好玄經

張衡

術數窮天地制作倖造化斯道也顏曾不能况游夏後之人有

悔餘毒藥府卷三

三十

半畝園藏書

能之者不信乎德成而上藝成而下道與器不相假銅龍昂首蟾蜍開口奇哉此器古未有著靈憲候地動不幾乎天地在我懷造化爲我弄誠哉才大難爲用太史業不終尙書位不重識記不能除宦官不敢訟二京賦傳世誦三家言談天中才與揚雄爲伯仲

西第頌

馬融

畏首畏尾身無餘生於冠族學爲通儒東觀可以續史南山可以著書後列女樂前授生徒絲竹喁于弦纒咿唔此樂忘死生不虛爾非拘亦非愚胡爲右手刎其喉左手不據天下圖自刺幸不殊不則宛其死矣歌山樞千秋笑罵不足爲輕重抱慙入地地有縫獨有將軍喜怒使我神魂動筆鋒殺人人不痛傅粉搔頭恣嘲哂豈但工爲西第頌山雖有文何所用密附鴟鴞啄

曠世才

蔡邕

史臣黜陟操國柄一言足使千秋信。權重名高災禍併。子長蠶室坐非刑。孟堅狂戶終非命。後書謝范皆有聲。比之班馬已平。若聽中郎修纂成。傳抄定貴洛陽紙。摹寫更勝鴻都經。高遷亭竹識龍吟。爨下焦桐遇賞音。知已難於笛與琴。私感三遷宜。次骨失聲一嘆。豈初心當軸功成心意滿。翻恐人長談。已知一代史才從此斷。名高斗北莫能容。疊結關東安得散。

限年格

左雄

衡石在懷函鏡忽開得。一才能得天下才。尙書天北斗位重於。三台勝任之木當栽。培稱體之衣當翦。裁闕先當去。俊艾當來。七日起馱。驪五歲疲。駑駘夫豈限年所能。胖強仕所能。該太公。暮遇四十猶小。顏子早衰四十已。天生才有醜。好成德有遲。蚤取之用之非一道。人生三十爲一世。六十猶再造。若使論年爲。選考不且棄。置之日長。報稱之日少。石老則堅。木老則槁。人才可老年不可老。秋風不如春。午日不如卯。惟救弊者矯。而狗時者巧。執中無權天下擾。

禁火禁

周舉

湘江弔屈。原端陽競渡爲水戲。介山弔之推。清明禁火爲龍忌。水死火死時有此。何獨世人憐。二子洛濱被禊用上已。故事不知何自始。酒酣巖露忽悲歌。哀樂樂哀將死矣。歡場轉燭不足情。烈火有時消。流水有時止。惟有忠孝之神常不死。川嶽英靈如在左。神聽於民。民聽我。斷淫祠塞流禍。何以禁之。當用果。

悔餘舊樂府卷三

三十一

半歇園藏書

世忠侯 黃瓊孫晚

不夷不惠可否之間隘與不恭奚取焉曉曉者易缺傲傲者易汗陽春之曲和者寡盛名之下難爲居朝廷壇席猶待神明烏知處士純盜虛聲願此言之一雪能無望於先生嗟聳聳之主以李杜爲讐朱紫共色粉墨雜蹂直道而行惟爲主謀知難而退終爲國憂生稱賢宰沒諡忠侯黃童之後復黃童封侯不異忠侯忠與王司徒成大功九原持此報先公

高陽里

荀淑子爽

龍戰於野血玄黃八龍矯首天外翔西豪故里名高陽神君之子民之望有如通德鄭公鄉不逢虞帝襄垂裳在田在淵爲龍藏劉累累世能象龍卯金之子龍所從一龍露爪受牢籠何如螻屈蟠泥中九十五日爲司空將爲霖雨補天功首尾皆見龍亦窮

悔餘菴樂府卷三

三十一

半畝園藏書

德可師

鍾皓

荀君清識難尙鍾君至德可師惟不察察乃神於知惟不矯矯乃全於危非禮不處琴書樂古五就州招九膺台輔今人爲徒古人爲伍夷惠之間乃其所

德星見

陳實子紀謙

公慙卿卿慙長三君往矣風可想私人不爲私黨黨人不爲黨於以見太邱之道廣人間在在有賢人天上勞勞幾德星德不動天星不明通也其介濁也其清居不立崎行出不求高名志如喬嶽量如神瀛學如陶冶心加鈞衡能使不化者化不平者平庶幾林宗與驂斲叔度爲鴈行在陰子和占鶴鳴徵君之門羔鴈盈汝南月且不能許季方難爲弟元方難爲兄

悔餘菴樂府卷三終

悔餘菴樂府卷四

江陰 何 棻 廉昉

後漢書樂府九十首

三李杜 李固杜喬

市里同聲稱萬歲日黑無光天已醉三公下獄等兒戲血性男
兒皆短氣馬融爲鬼蜮梁冀爲人虎胡廣趙戒爲糞土朝野同
聲悲李杜障河漢而東引星辰而上負天以肩堙流以掌以火
傳燈以絲續網若鼎足之有三儼機牙之必兩李雲杜眾死於
諫李膺杜密死於黨噫嘻讀聖賢書爲冠帶儒始被褐而懷玉
旋佩金而縈朱貂蟬飾珥麟鳳充厨庶報施之無歉幸進退之
有餘乃至國家以安危寄綱常以生死扶畏將軍之跋扈而莫
敢枝梧蠅熱蟬寒皆有死泰山鴻毛在於是

悔餘菴樂府卷四

半畝園
藏書

存趙孤 李燮王成

父不肯立帝子不肯立王薑桂之性老而辣椒蘭之性生而芳
猶趙氏孤天不亡文姬料事如觀火託孤惟有王成可程嬰杵
臼分一坐二天生我兼成我諂貴賣友貪官埋母捶此人辱吾
手何不揮刀決其首

附青雲 郭亮董班楊匡

生不能執戈爲國殤死當穿穴要離之冢旁生不能剖心抉目
寤君王死當下從彭咸抱石沈於湖生不成名死復何所望自
非愚與狂何爲赴火而蹈湯忠義感人深入髓腐生激烈敖然
起自古皆有死死得其所死可耳堂堂忠義戶杜李董班郭亮
飛章亟申理楊匡棄官堅守視此三人者敢如此蹈天踟地何
所恃恃死有名禁不止驥尾蒼蠅走千里一日千秋附青史

世子子 吳祐

李公之罪成於手馬生之名敗於口殺人媚人從古有衣讎孝道變服傭春敦永好知我成我當世少

偶屈原 延篤

百家眾氏投閒而作洋洋乎其盈耳渙爛兮其溢目紛紛欣欣焉其獨樂當此之時不知天為蓋地為輿不知世有人已有軀誠哉此樂百不如樂不在書仍在吾王佐才不我需千里足不我拘其聲烏烏其神蘊蘊其道于其覺也唐虞其夢也華胥嗚呼此其善讀書者乎

國無黨 史弼

鉤黨之禍徧九區平原何理獨能除所恃先王疆理天下水土異齊風俗殊他郡自有平原自無民不可以強服土不可以矯

傳錄藝文府卷四

二

半畝園藏書

誣同道而行比屋而居黨也皆可以為黨誅之則亦不勝誅木強之性堅不渝孝廉但當舉裴瑜請託豫絕權貴書得一書筭二百何若執書為死籍即日考殺常侍客

風霜性 盧植

飲酒一石讀書五車康成而外見真儒搗黃巾圍灑增拒黃門檻車徵身無聖鐵膽如斗胸無媚珠面如水義真而外見奇能執戈閣道衛太后拔劍河津追少帝折鳴鴉翼不能飛拔虎狼牙不敢噬子師而外見忠義

得死友 趙岐

升堂拜母複壁藏友生友每不久死友同不朽莫唱尼屯歌且飲合歡酒生交北海孫賓碩死則取子產季札晏嬰叔向為上客士傳不傳遇不遇身後觀之皆有數古人飽於蟻古文飽於

至今孟子留章句

涼州三明

皇甫規張奐段熲

山東出相山西出將川嶽英靈有偏王市廛習俗原殊尚既生長於兵間復盤旋於塞上說禮敦詩卻子才同仇偕作秦人唱文能射策對金門武亦研經通玉帳鈐決之符聖經之贍超距之材儒生之病舉孝廉舉方正不信孫吳通孔孟三問三對百戰百勝志士誓殲豺虎羣仁人兼惜蜂蟻命主降趙充國主戰辛武賢兩賢立議不兩全議和議剿詎無偏示愛示威當有權使金如粟不入懷使馬如羊不入廐明於昏暮昏於晝不殺王曹殺陳寶三萬八千級血成渠一百八十戰身貫冑封萬戶侯功已就附中常侍名乃臭三代而下少完人獨有威明竟絕倫

掃天下

陳蕃

悔餘書樂府卷四

三

平敬園藏書

大丈夫處世而天與其才人在其懷當掃除天下安事一室哉試問九州荆棘何如三徑蒿萊正六鼈傾側五馬悲哀青州刺史識清裁塗黃廳事不輕開祇高懸一榻埋沒塵埃周璆臨濟去徐穉豫章來忠焉能勿誨乎何阿衡公旦昔有今無孺子王誰與游居無過青宮阿母黃闔刑餘中常侍女尚書後轍躡前車森嚴章疏如訓如謨勤拳告戒曰咈曰吁聽者逆於耳言者忘其軀黨人網盡聲氣孤晉陽無甲計謀疏死老魅終當假手袁本初忠臣必有後義士必有偶車如雞棲馬如狗疾惡如風朱伯厚

以謀濟

王允

蝥蟬鬪虎弱制強鼯鼠食牛柔尅剛烈燄方張飛蛾必亡洪流正狂蜚螻莫當何衰乘敝真智囊青青千里草一苗隕而黃蘭

臺石室輿書史歷劫猶存漢儀禮記事能開應劭先論功當與
蕭何比投杯潑藥不肯乳有志功名爲仲父王佐才非虛譽一
木難支大厦傾一棋遂使全枰錯宋翼王宏天不助

考鉤黨

黨綱傳

一字挾袞斧一言起挺刃一鄉毀譽九州震始兩語終百疊天
下規矩房伯武因師獲印周仲進膏肓之疾不可藥混沌之天
不可竅汝南太守范孟博南陽宗資主畫諾南陽太守岑公孝
弘農成瑨但坐嘯紛紛輕薄縱諧笑燎原火作先一爇黃門肆
爲虐黑獄互相弔禍成兩部禁不止罪坐三君酷無救天下楨
楷李元禮不畏強禦陳仲舉天下俊秀王叔茂紫綬青衿傷正
士黃巾赤幘生狂寇腹心受疾魚爛死口舌興戎烏鈔走玉步
之更以是始金刀之歷於焉究

梅餘菴樂府卷四

四

牛叢園
藏書

登龍門

李膺杜密

今日始得御李君一登龍門天下聞龍門之高高入雲應龍出
沒孤無羣攀鱗附角何紛紛鱗蛇角鯉聲氣分木茂來巢水盛
生濤珠光不可韜玉性不可拗剛大之氣生不瀆朋黨之名死
不消破柱擒奸奸人膽落填獄埋忠忠臣肉薄以黨爲高以死
爲樂李杜齊名一個不弱

志澄清

范滂

欲得令名兼壽考此事此人從古少三十三年不爲天李杜齊
名不爲小從龍舒君死亦好假令攬轡遂澄清清執版佐昇平名
不必過二稗功不必勝三明豈若首陽不媿皇陶必爭三木囊
頭無悔意千金買骨有遺聲金銷石毀器斯成骨朽形彫氣尚
生青史沈沈燈瑟瑟此中有人呼欲出

捕黨魁 張儉

世無真好惡乃有私毀譽雪嶺墨池隨意署巷議街談本無據
八俊八厨八及八顧朝廷執此刑章捕二十四人名乃著黨魁
有黨競容留亡命不亡交掩護仁義如何許自專外黃載半分
之去鸞鳳離巢四散飛狂風吹倒梧桐樹 結語外語

虎最怒 賈彪

荀氏八龍慈明無雙賈氏三虎偉節最怒閉門拒岑匿人都說
竇武古人之風風已古賈子賈女思賈父

善人倫 郭泰

同志者共立石蔡邕於是告盧植吾為碑銘多矣皆有慙德惟
郭有道無愧色相士相皮不相骨善相安能相心術明非離婁
辨容色聰非師曠研聲律人倫風鑿千百不失一知人知天一

悔餘善樂府卷四

五

牛叢園藏書

言必神仙中人不世出曷不就趙典應黃瓊仕進為公卿衰衣
博帶易而簪纓不且人思改行士慕成名如鑑之明媼妍真形
如衡之平輕重稱情薰香染素使之化埴土范金使之成九九
進八八升夔龍熊虎一一在朝廷豈惟張孝仲以芻牧拔范特
祖以郵置掄僅若郭長信郝禮真寥寥六十人墊角競效林宗
巾風俗何難一斬新

月旦評 許劭

平輿淵有二龍焉上不在天下不在田不為龍躍為龍眠龍以
角聽兼聰明如鏡照物無遁形阿瞞無賴工盜名李瓚許以球
時橋玄譽以安民獨有汝南月旦評斧鉞之嚴華袞之榮清平
之姦賊亂世之英雄

不可整 竇武何進

茅田一頃中有井四方纖纖不可整嚼復嚼今年尚可明年饑
孿生一胎中有蛇蛇來泣血送喪車大華蓋小華蓋無上將軍
弄狡獪遲復遲小人伶俐大人癡持刀不割刀無刃婦人之仁
小不忍庸人之謀大不幸今年殺竇武明年殺何進

魯男子孔融

純臣之風無始無終千歲之歷不能窮才人之鋒一衡一縱九
州之大不能容談笑臨戎不測如龍文光發矇不滅如虹傾身
護士類任氣弄奸雄一生憂樂與人同座上客常滿樽中酒不
空懷懷乎皜皜乎琨玉同其堅秋霜比其皎生太遲死太早孔
氏裔孫魯國男子才高意廣迄無成主憂臣辱但有死平生遺
恨在青史恨與郗慮同朝不與禰衡並仕恨與荀彧同傳不與
李膺並紀但合當時悲孔禰何若後人稱孔李

悔餘書卷四

六

半畝園藏書

饋空器荀彧

縱虎飛虎無力爾乃剔牙厲爪傅之翼虎欲食人乃復扼虎之
吭加羈勒虎求食不可得還爲虎所食關中濟高祖河內瞻光
武隱然以蕭何自期寇恂自處迎天子都於許薦鍾陳制袁呂
如虎翼風風翼虎愛人以德教人反漢臣死漢死已晚

蒼天死皇甫嵩朱儁

蒼天當死黃天當立三十六方生蛾賊黑山白波相首尾黃龍
青牛爲羽翼日月昏昏黯無色陰陽剝復天變遷元氣一洩生
羣賢雜氣一洩生大奸委之氣數天無權當氣運之窮乃歷數
之終於此有英雄立事功如曙霜之白夕照之紅力足回天而
天不可旋才足救時而時不可治不升高岡乃墜深隍不履康
莊乃陟羊腸不主盟於葵邱乃解甲於晉陽惟莫邪與干將授

人以柄而自試其鋒銳此非人事也吾問之蒼蒼

百祖龍

董卓

氣化清英雄生。歷數畢。奸雄出。時未通。困英雄。時既窮。困奸雄。得時則鼠爲虎。蛇爲龍。龍不能爲雲。虎不能爲風。其終也同。黃門橈。黃巾擾。春風吹起。千里草未大。必折。尾大不掉。亡國之謀。一袁紹。失時則龍爲蛇。虎爲鼠。成於何。敗於呂。轉敗爲安。此一舉。反安爲危。彼一語。亡國之謀。一賈詡。洛陽宮。咸陽宮。殿閣燼。城市空。鬼火碧。人火紅。一祖龍生。百祖龍。長安銅人。血淚。滲。短棘籬。當紫禁。舟中指。可掬。道上尸。相枕。嗚呼。人之生也。難。天地之不仁也。甚。

羣雄隙

劉虞公孫瓚

治世之民歸清忠亂世之民歸梟雄不在德不在功在能容不

悔餘菴樂府卷四

七

半畝園藏書

在戰不在攻在能從非是者不終強弱無定形禍福無定情志在能忍機在能明二億省賦調百萬歸流民可以定桓文之業狎齊晉之盟宋公一出敗於泓燕南垂趙北際中央不合大如礪惟有此中可避世入世本來無可避仰觀天意俯察人事用兵豈特占地利枉讀兵書抄故智積穀三百萬斛連營樓櫓千重若論兵法人不攻人來攻我法亦窮衝梯舞吾樓上鼓角鳴於地中避世安知與禍逢

歸帝號

袁紹袁術

虎嘯風雲從龍風雲忽散芒無蹤虎牙脫落龍角童化爲可憐蟲魚腸巨闕挫神鋒不如鈍鐵與頑鋼天下健者豈惟董公橫刀懸節氣如虹豪俠乃生執袴中脫兜鍪擲之地當前鬪死不避斯時大有英雄氣祖父並爲公兄弟欲爲帝兄不兄弟不

弟東帝西帝若兒戲傳家之策於此豨傳國之寶於誰寄不優之量如附梯不平之心如激矢梯附必削矢激必隨愛士殺士愛子殺子

坐談客 劉表

噴雲跋浪戰羣龍游鱗乘水翔虛空須臾水散龍入壑枯魚僵卧沙礫中五伯六王天變局漢宇將分三鼎足秦人失鹿爭相逐塞翁得馬非爲福大勢紛紛鬪蠻觸故智勞勞收蟀鷓得地者強得土者昌控五嶺抱三湘刺越蔡瑁荆之良星月初出爛生芒垂光煜煜照一方天明日燦澹無光方欲坐觀成敗豈知立判興亡爰後妻愛少子天下英雄皆笑死英雄往往癡如此坐談客宜爾爾生子當如孫仲謀劉景升兒子豚犬耳

羊質虎 劉焉子璋

悔餘龜樂府卷四

八

半畝園藏書

自從蠶叢魚鳧開國以來棧道劍閣何崔嵬一夫當關萬夫莫開胡爲乎倒戈先服銜壁餘哀五丁不戰萬甲皆摧則以爲仁不足守德不足懷亡也宜哉何以民思旅拒士萃羣材山有銅梁玉壘之險水有瞿塘濫瀆之堆乃亦下風自拜刼火旋灰開門而揖盜駕車而迎災則以爲有仁無勇有德無才草昧之蘇也必有雄才爲之驅除以開其初華戎之授也必有庸才爲之保守以禪其後人謀鬼謀載舟覆舟臣民思漢天子姓劉張松負圖以獻法正借箸而籌雖三分之已定非二牧之是求於季玉乎何尤

縛太急 呂布

馬中有赤兔人中有呂布布將騎公將步自張兩翼爲虎傳飢則依人飽颺去丁原一誤卓再誤誤事豈可數反覆安可忽縛

虎急虎掉頭掉頭忽見劉豫州卿爲座上客我爲階下囚轅門射戟猶記不豈知記恩兼記讐記得將軍龔下邳何期相見白門樓良臣胡不擇木棲陳宮高順死相依斯時不見將軍妻

善上官

任延

鼓聲鳴雷日出初蚤衙前闢霜猶鋪整衣束帶升肩輿東西兩轅來于于步武習於轅下駒同官問我來何暮乎小官簇立如飢鳥大官離立如翔鳧濡沫唼嗽魚在蒲門吏一聲乳虎呼鞞聲綬綬驚蛇趨大官鵠立待羣官鴈行舒屈如鶴膝拜一跪斜如燕尾坐半敷呀呀如鴉起而應碌碌如鹿隨所驅象形學舞鏡中翠凝神竦聽水上狐有時提挈藉吹噓如鷄將敲燕將雛有時饋獻竭膏腴如豺祭獸獺祭魚庶幾乎善事上官無失名譽噫噓嘻燕雀賀蟻虱弔蝸角爭蠅頭校蟻以慕羶來鰲以食

梅簞羹府卷四

九

牛叡園藏書

餌釣羊以敗羣譏馬以立仗誚象以聚賄焚蛾以趨炎燎破車之憤誰容升木之孫誰教展翅之鷹未易馴昂頭之鵝本來傲爲官爲私蛙自喧忽喜忽怒狙太躁牛馬交呼無定稱雞蟲互嘖還相報稷蜂社鼠有時熏官場不直猩猩笑臣之志在忠孝善事上官非所好臣不敢奉詔

焉流法

王景

善治民者不與民爭利善治水者不與水爭地孟子有言禹之智行水行其所無事河渠之書一言蔽龍門疏鑿開神功當時治水行地中今日治水行半空頽竹榿石塞瓠子流禍絲絲自此始賈讓三策廢久矣長堤一綫翼河細王景焉流心法秘省費猶以百億計東南高臥監河侯羣僚醉飽無一籌金盡還當與水謀祇恐天河會逆流一旦金堤罷歲修

萬石秦秦遠

前有萬石君後有萬石嫗萬石秦家長三輔專誅有罪罪可容
榮戰還與節鉞同若非明律逢郭躬循吏枉死軍營中

懷風愛

王渙孟嘗劉寵

暮夜黃金人不知鬼神安在民可欺寸絲粒粟皆民脂爪牙更
虎恣挈攫心腹客蛇憑指麾取之有道非盜之廉吏可爲不可
爲大官簞簋孰能飭小官筐篚安敢遲但知弱肉供強食詎意
挹彼仍注茲宛其死矣豈非癡何如死可祭生可師名在後世
功在當時密縣存卓茂廟洛陽留王渙祠海中老蚌明月胎不
勝割剝潛避災去爲貪吏去來爲廉吏來廉吏清於合浦水中
有明月生纍纍會稽之民懷葛民民愚不知吏廉明但覺若耶
山水如官清百錢捧出百姓心一錢選得一生名

悔餘菴樂府卷四

十

半畝園
藏書

枳棲鸞仇覽

父母何在在我庭化我鳴鳴哺所生鷹鷂一擊百鳥驚豈若鳳
凰鏘鏘鳴惡鳥聞之皆變聲天有喜怒雷霆不如雨露人有好
惡禦侮不如疏附有大才兼大度而名不登太學位不過主簿
嗚呼枳棘非鸞鳳所棲百里豈大賢之路

史臣誤

薛宣鳴球

鄧都拊膺叩帝闈左陽球右薛宣青蒲俯伏同稱冤史臣褒貶
示公道渠可黑白是非顛倒言前班後范心不平臣等皆蒙酷
吏名張湯杜周以子貴列傳遂次名公卿王吉猥瑣安足道慘
毒與臣同此聲有如公主之奴常侍之子殺人之罪罪當死卽
使臯陶爲士師但有死法無生理此以酷名誠誤矣班范對言
臣識鄙以謬襲謬非臣始韓非老子早同傳大誤莫過司馬氏

三臣名酷始傳名不酷不傳傳者幾譬如陳壽私求千斛米不爲立傳寃難洗

足黑子

黃昌

藉爲太平鷄狗莫作亂離夫婦夫婦生相離雞狗死相守婦人生不出里門死轉還隨馬蹄走一去無可蹤不知死與否虛生固無聊徒死亦無益黃郎足心有黑子自言當爲二千石堂上與堂下相見不相識黃郎驚愕舉手扶黑子分明抱足泣

五侯封

宦者傳

外戚五侯封西漢於是東內官五侯封東漢於是終張常侍是我父趙常侍是我母天子乃爲常侍後天下已非劉氏有王命在口國命在手殿上何人坐木偶宮中十常侍朝中百天子名臣名士爲漢死恨不早生袁紹耳

悔餘善樂府卷四

十一

半畝園藏書

蔡侯紙

蔡倫

程邈造隸字乃變蒙恬造筆文乃便文字遭焚餘一綫更爲文字開生面古人之心生七竅發端創始皆神妙縑帛抄書費工料樹膚麻頭新意造絹壽百年安得久不如紙有千年壽人與文房同不朽此才乃出貂璫手

封侯術

單超具瓊左惟唐衡

富貴封侯有奇術腐身薰子下蠶室封號不由天子出羣兒相貴百不失左回天具獨坐徐卧虎唐兩墮欲求封但問我印綬相望冠履相將貪如豺狼賤如犬羊一錢不值車載而斗量漢季之侯唐季之王

解黨禍

呂強

蒸生菌朽生芝臭腐神奇信有之史游能爲急就章文光奕奕

映貂璫孫程張賢救虞詡宦者四星寒起芒莫若解黨禍戒色
荒辭封不肯受都鄉清忠奉公如呂強寶刀缺折光破匣正色
寒稜不可狎小心翼翼承大法前有管蘇後有張承業

長者言 劉昆

虎豈甘心受人使火亦無情禁不止烈火回頭虎弭耳循吏之
能有如此長者言偶然耳世間何事非偶然寸功尺利皆貪天
奈何不聞長者言

又入晉 楊政

說經鏗鏗楊子行持章救范升叩頭以誠通當時拒之戟傷胸
登牀責馬武把臂以氣懾 白動者又入晉事君交友大節不
朽任俠則然入道則否

奪坐席 戴憑

悔餘養樂府卷四

十二

半畝園藏書

解經不窮戴侍中殿中奪席五十重汝南子欲復黨早知陛下
嚴幾使獄中枉

無北行 楊倫

有留死一只無北行一寸勿頸不易九裂不恨當時王國傳近
臣皆不願長沙江都以此困仲理經經安足論

太常妻 周澤

生世不諧作太常妻一年三百六十日三百五十九日齋一日
不齋醉如泥閨房之內一舉足牀第之間一反目若使士師聽
獄吏書牘命婦纍纍皆桎梏皋蘇不能斷此獄

博士羊 甄宇

寒儒冷宦氣不揚菜色在面藜藿腸肉食者鄙非所望可憐博
士瘦如羊博士食書羊食草食草不肥書不飽剖羊無血嫌肉

少羊皮素絲縫亦好博士爭羊羊欲笑慕羶蟻聚投鈎鈞丞相
萬羊充食料淺淺一羊安足校羊舌交稱賢大夫羊胃封侯繁
有徒肥羊食盡味無餘瘦羊之名人不如

無雙童 黃香

天下無雙江夏黃童讀新書於東觀習故事於南宮孝子有後
宜不同子孫相繼爲三公一一書名青史中

去葛龔 葛龔

胸中未飲墨汁水腕下何來文字鬼畫蛇添足書馬去尾作者
軒肩樂有餘讀之橋舌笑不已賦可賣文可鬻將有餘補不足
一字一縑酬所欲定有才人善竿牘學問無窮不如通融使筆
如風不如從容作奏雖工宜去葛龔

五經笥 邊韶

梅餘齋樂府卷四

十三

半畝園
藏書

邊爲姓孝爲字腹便便五經笥但欲眠思經事寐與周公通夢
靜與孔子同意周公議何禮孔子講何義但聞先生醒後言不
聞先生夢中囈

賦窮鳥 趙壹

莊周誦枯魚趙壹賦窮鳥竭澤焚林太不仁高飛深伏皆難保
楊政責馬武趙壹哭羊陟挾勢驕人未免癡恃才傲物甯非惑
始也斗極收魂終之良璞銜冤嗟伊優之在堂宜抗體之倚門
所好則鑽皮出毛羽所惡則洗垢求癩痕既媼妍之不辨奈羣
吠之狺狺勢家咳唾自成珠文籍滿腹爲窮儒才乎若此命也
何如位卑郡吏名重天都揖三公而分坐辭十辟而幽居恂恂
如也大君子悻悻然哉小丈夫

漁陽鵠 補衡

大兒孔文舉小兒楊德祖餘子紛紛何足數交游不肯從屠沽
刺字漫滅無可與一書薦之入死地岑牟單絞署鼓吏漁陽參
搥音節異壯士之聲才士氣何如擊筑高漸離人聲覺鼓當取梟
獍皮搗殺亦可何罵爲坐者爲冢卧爲屍冢之間能不悲漢
臣死漢悲可知奇才壓人人盡怕奇氣震天天亦訝夜光照乘
原無價隨珠彈雀真堪詫不交苟趙交黃射黃祖小人何足罵

志金石 謙玄李業

人生大倫在君父人臣大節在出處生我無二天我生無二主
君子守身如處女之死靡他以身許尺地一民皆漢有二百年
來養士久士報君以無負君報士以不朽書名史册千年壽王
皓甘刎首王嘉踵其後李業欣然飲毒酒譙玄藏隱費貽狂走
任永馮信青盲坐守爲蜀隴臣毋乃醜

悔餘菴樂府卷四

十四

半畝園藏書

士死節 溫序彭修

疾風知勁草板蕩識誠臣肝膽塗地頭顱與人形往神在千春
萬春欲勇者買勇求仁而得仁君臣大分生不離忠孝大節死
不疑刀鋒箭鏃甘如飴彭修嚴授皆忘軀所輔洞背溫序銜鬚
吏無尊與卑士無智與愚得死皆爲大丈夫

待死友 范式

古人於我復何關讀書得意爲破顏傷心不覺淚潛潛二年之
別千里之行有約必踐如踐更登堂拜母爲弟兄性真締結無
遠近神魂追躡無幽明呼朋永訣夢猶真尅期相待死猶生但
聞素車白馬號哭聲遙知來者非異人死友山陽范巨卿我今
一讀一沾衿豈但當時送者淚縱橫

辟蒼頭 李善

忠義於人亦何負不見蒼頭爲太守至今籍籍在人口治國如家古未有李氏遺孤將不舉奴婢視之肉在俎蒼頭獨掌不能拒負孤入山饑索乳乳中生潼天所予推燥居濕善居處長跪請白與孤語十年事孤如事主瑕邱賢令鍾離意還孤舊業殺奴婢行狀分明薦忠義日南印綬從天畀奴事主如臣事帝

報恩怨

王忱

鬼神若有知何處索形像鬼神若無知有時露精爽恩怨最分明報應若影響幽明疑有塗能來不能往人奇事始奇奇事一時兩不羈之馬來何許風吹繡被飄飄舉空中投報信神靈夜半呼冤聞鬼語復怨酬恩會有時君不見洛陽遊子齎亭女

切肉方

陸績

髮膚不敢毀傷五毒何爲備嘗正恐汚名不洗無顏以見高堂

悔餘菴樂府卷四

十五

半畝園藏書

嗟乎斷慈以寸切肉必方平居法度如其莊安有生子爲不肖與人爲不良君知爾母生爾惟是君能知是臣非此母不生此子

去督郵

戴封諫輔高獲

督郵雜職何所用縣令束帶方見之校功讐過主糾察鄉里小兒吁可知督郵所至蝗蟲迎迎官送官蝗有情蝗蟲食穀官食肉東西飽食隨之行督郵所往旱魃喜卧地不麻盡枯萎三部督郵剛罷歸應龍行雨相隨起自焚致雨救年凶精誠之至天爲通我傳禱雨有奇術徑縛督郵投火中

甘於肉

李充

牙齒津津有餘味屠門大嚼亦快意要使孤寒一吐氣狂士如猪肝有時爲人累狷士如雞肋有時爲人棄上士如龍肝鳳肺

不可致下士如蟻切風烹不足嗜學士如千里脯禮樂百年於是寄文士如五侯鯖經史百家於是備禁鬱斯爲席上珍腹腴並是厨中秘山藏海隱極搜羅漢鼎梅鹽自然劑將軍肉食日不足安知說士甘於肉

痛自搥

繆彤

蒸梨不熟庭叱狗荆花分析尤非偶厚父母薄夫婦古人如是今人否李充逐婦無假借繆彤自搥陰教化教化不行堂可下漢世婦人輕再嫁

膠漆堅

陳重雷義

夫婦之私猶骨肉弟兄之愛猶手足五倫乃以朋友續義篤情真比心腹夫婦兄弟無此樂才學相長憂樂相仗孝廉茂才交相讓張陳蕭朱不足稱王貢而後僅有兩膠漆自謂堅不如雷

與陳

悔餘菴樂府卷四

十六

牛畝園藏書

釜生魚

范丹

丈夫不爲五斗米折腰向鄉里小兒靖節之節高如斯貞節先生亦恥之違時絕俗無脂韋李固王奐爲之友樊英馬融爲之師避鶴書推鹿車依樹而宿結草而居拮拾而食食無餘甌中生塵釜中生魚儒不鄙吏不污德有鄰不孤貞節之窮靖節之通迹異而心同

廿五毒

戴就

洪爐鑄出七尺鐵百鍊千錘鐵爲骨鐵漢能令酷吏驚盛氣如雷志如雪關五木備五毒肉可削膚可剝直節清名不可辱鑽鉗嚴刑久已除酷吏之酷吏不書非刑彭考縱冤毒名法猶稱漢網疎煙熏火烙鍼刺指從事何官敢如此吉網羅鉗從此始

同餓死 劉湖

視死不救非仁人救之以死宜君親溝中之瘠道中殍死不勝救難爲仁毀車殺馬爲餓夫從井救人毋乃愚忘身狗物入於墨孔氏之門無此徒

恥且格 王烈

田鼠善偷粟有時化爲鴛山棲而水飲盜性於是除始知造物力變化在須臾儒者之功參造化褒貶微權使人怕裁之以義甚於刑遺之以禮同於赦盜牛還劍判人禽嫉惡從來當假借

智無雙 任文公

水火刀兵開大劫聞有神人造名籍幾人當死幾人生何處逢凶何處吉緯書習數數不高經書練識識不超吉凶生死早前定負重疾走安能逃武當石折智士死何不逃之走千里

每餘集樂府卷四

十七

半欲閣藏書

盜虛聲 樊英

壇席待神明几杖奉師傅伊尹太公無此遇煊赫而來緘默而去進退不知何所據牀下拜妻殿中迂帝彼恭此倨幾於戲學業重經師才名稱國器徒工術數論災異朝廷失禮士失德處士虛聲盜何益典謨官禮盡虛文胸中熟讀戰國策

辭百萬 公沙穆

入賞爲郎入錢爲公貨至百萬神可通金章紫綬在握中王仲金多不自貴輕財殊有英雄氣誰知太學賃春傭一錢不費爲都尉

涪翁法 郭玉

心手之際微乎微鍼石不得差毫釐分寸諦真穴破漏避邪時術有四難人未知涪翁乞食挾仙術鍼經脈法傳者希傳之筆

墨乃其粗言容不到吾師吾

燒神方

華佗

活人之術信有之刀圭鍼砭無不宜軒岐傳藥并傳脈不師神聖將誰師已竭之氣不可復已絕之命不可醫百年壽天自天定剔腸剝腹紛何爲猿熊虎鹿五禽戲青麩漆葉仙方秘從來醫者死於醫燒盡神方亦快事陳琳一檄愈頭風得汗良於藥石攻惜君未試醫國手一鍼透腦除元凶

鞭百鬼

費長房

神荼失職尺郭死白日青天跳鬼子葦索桃鞭禁不止獨有壺公善驅使妖巫媚鬼鬼乃喜多錢使鬼鬼亦鄙黎邱老魅無人理羅刹羣魔當一洗以鬼爲糧污吾齒徑可縛之填海底人情狡獪工於鬼治鬼要非治人比壺公之符不足恃與鬼爲讐鬼

殺爾

神仙戲

左慈

熏天氣箴有窮時老奸受弄如嬰兒神仙游戲暢所爲顛倒弄人時出奇五色棒不能筆三只劍不及麾褊心毒手無可施擲杯中走入壁何不隱形爲刺客翻身跳入羊羣中定教羣羊罵魏公

遊五岳

向長

向子平讀易至損益之卦犁然有當於心乃知貴不如賤富不如貧但未知死何如生以生之汶汶而死之冥冥宜生之幻不如死之真奚役性而勞形勿委心而任情百年較然九州寥矣娶嫁之累終遊之樂始有友可偕有地卽理泰華之麓衡霍之隈恣魂魄之徘徊又何戀乎身後之一抔

悔餘善樂府卷四

十八

半畝園
藏書

伏不謁周黨

讀書每每誤書生春秋之義有重輕大讐小忿義不明拔刃乃與鄉佐爭寶刀不用稱神鐵隱居不仕抗高節寒門一段冰皸山一片雪炎暑服之中不熱貞介之風安可絕

美志行王霸霸妻

齊姜醉遣晉重耳當日讀之心醉死獨持公義割私情英雄心手誰能爾太原儒仲亦奇士兒曹失禮安足恥貴人之貴何若高人高宿志乃慙兒女子卧聞斯言釋然喜有婦同心斯足矣縱使閻陽無所毀高人不爲司徒起

狂奴態嚴光

客星犯帝座豈知帝與故人卧狂奴故態不可挫野處難違猿鶴情昌時別有夔龍佐小草不出山自適山之性細流不入海

悔餘集卷四

十九

半畝園藏書

何損海之盛羊裘垂釣歌滄浪此何地也七里瀧卧此夢皆涼葬此骨猶香後人來此拜祠堂但見山蒼蒼水茫茫先生之風山高而水長

歌五噫梁鴻

鳳兮鳳兮非竹食不食非梧桐不棲攬德輝而來儀或幡然而去之昔聞臣釋君今聞夫擇妻擇偶不嫁女尤奇德有臨黑而肥觀夫子之志易隱居之衣冥冥之鴻比翼飛天生佳士有佳耦兩美必合非人爲入山頽四皓出關歌五噫夫唱婦和知音希生不卜宅從高恢死當穿冢近要離

不二價韓康

朝三暮四詐於狙母一子十捷於蚨蠆斷無非賤丈夫此中豈有異人乎魏之大駟段干木君平賣卜伯休賣藥市所同名所

獨

五女賢 戴良

盜不過五女門富家嫁女家驟貧貧家嫁女百無存曷若五女皆賢求姻輒婚疎裳布被隨所便隱者之風從所天達哉達哉戴叔鸞

鳳藏羽 矯慎法真陳留父老

北山之北南山之南中有佳處容茅庵去寶就吏非所堪龍不隱鱗鳳不藏羽網羅高張去將安所審能騎龍弄鳳雲間翔嬉此豈狐兔燕雀之所能知逃名而名我隨避名而名我追誠哉百世之師

鹿門山 龐公

鴻鵠巢高林鼃鼃穴深淵趣舍行止亦若人之巢穴然為子孫

悔餘齋樂府卷四

二十

牛叡園藏書

計當保全乃辭五畝就一官人皆遺以危今獨遺以安浮雲出山不知還孤月在天不可攀遠在世外近在人間襄陽人指鹿門山

新史例 列女傳

閨門以內無功德功德在家非在國內行可傳傳未得斬新史筆收芳澤一洗人間脂粉色列女書名繼逸民要知節行勝功名四百年中此數人彌縫缺漏補人倫義例開於劉更生

號大家 曹世叔妻

貞史三長從古少何意此才鍾窈窕口無擇語重閨闈手有餘芬在志表女史簪彤寫赤心宮中事秘無傳稿一代成書繼父兄六宮下拜稱師保班姬善賦世相承周姥作詩風肆好贊政專文並策勳從知左謝才皆小許負封侯未足稱舒祺補蒞何

須道閨人福慧最難修獨羨蛾眉兼壽考

孝女碑

曹娥叔先雄

黃絹幼婦外孫齏曰八字在碑碑不朽自此香名徧人口血淚
灑江江水紅抱骸宛轉出江中可憐節概有時同可惜文字無
人工健爲埋沒叔先雄

十八拍

董祀妻

有書不能遺子孫有女不能嫁名門善書好女並淪落豈特獄
中沒齒銜奇冤當時坐客啖牛心藏書欲乞王仲宣何不嫁女
與爲婚豈其貌太淩齒不倫丈夫磊落難一死何但斤斤責備
小女子黃金可贖信豪哉青冢不埋亦幸爾試聽胡笳十八拍
慘於十八灘頭嗚咽水聲聲拍起愁人腸字字拍入人才耳有
才如此天如此天亦何心生此身

梅篋藥府卷四

二十一

半畝園藏書

治妬法

夫傳

樛木螽斯多粉飾不信后妃兼此德鳩居未免兩相爭狐媚誰
能三不惑饒爾軍中霍嫖妖姚奈他宮裏董妖嬈雖風狂甚燕
支虎一入夫餘氣不驕試問鶴鷓豕何如鷓鴣膏

夜郎大

夜郎

化於胎卵超於鱗羽鷓鴣爲銜子龍猿孕女不意無情生有情林
禽生癭癭生嬰奇哉漚水三節竹竹中乃有兒啼聲生非血氣
宜其蠢夜郎自大殊堪哂竹王異種沒無聞或者子孫更姓筍

海國王

漚洲

意中立構一世界海市蜃樓弄光怪一國臣民以舟載英雄乃
出劉項外立地稱王亦大快祖龍苦索不死方不死有人謀帝
王十洲三島隔封疆秦人二世變滄桑海國爲王獨久長

昭君怨 南匈奴王嬭

英雄不肯居人下伏櫪長嘶千里馬容容墨墨老後宮何如專
夕穹廬中畫師畫形難畫神不爲求金畫不真承恩自請和親
去入宮出宮皆報主千年胡語咽琵琶青冢孤魂尙憶家

三生果 天竺

恆星不見墜何方西方聖人生有光金身丈六闌入夢要使火
界爲清涼才辯熏天勝楊墨尼山復起不能熄六經以外盡名
經海外奇書驚不測游民萬萬倚檀那事佛無靈更事魔慈航
苦海渡不盡菩薩低眉無奈何儒家蹈實言人理道教言天佛
言鬼果報分明未可誣事蹟當參廿四史

歸赤山 烏桓

天地之大何所無囿於耳目無乃迂籤摩之國在何許安見赤

悔餘菴樂府卷四

二五二

半畝園藏書

山泰岱非艷都天堂地獄境界殊自出自入誰爲驅身騎箕尾
作光氣游行或在昆侖墟玉樓作賦選名士玉局司文招古儒
人禽異域視所趨泥犁之設當不虛天有九重地有十豈得空
洞無人居陰陽分界別門戶誰操管鑰司機樞往而不反樂有
餘情哉執訊無神巫仙經佛典載其說來因去果徵之書史臣
雖非鬼董狐時復撫言報應儼癡愚我今落魄何所如如灰之
冷月之孤彼蒼顛倒孰爲問子墨周旋聊自娛化猿化鶴待物
化呼牛呼馬從人呼已矣乎死生之數不能拘忠孝之防不可
踰愚忠愚孝皆吾徒虛生虛死非丈夫

悔餘菴樂府卷四終

